



Broj 3
Maj 2011.

INFORMATIVNI BILTEN

BRIGADE TAKTIČKE PODRŠKE OS BiH

BRIGADIR mr. ESAD ŠEJTANIĆ UPUTIO VASKRNU I USKRSNU ČESTITKU PRIPADNICIMA brTP

БАСКРСНА ЧЕСТИТКА

Поводом наступајућег празника Васкрсења Христовог, свим припадницима православне вјероисповјести Бригаде тактичке подршке и јединица на локацији „Рајловац ОС БиХ“ честитам Празник над празницима и слављима највећи хришћански празник „Васкрсење Христово“ уз традиционални поздрав! „Христос Васкрсе, Ваистину Васкрсе“



USKRSNA ČESTITKA

U svetkovini Uskrsa, katolici-ujernici proživljavaju i slave proslavu muke, pobjedu nad smrću, uklonjenost mržnje i svakog straha te usavršenost i uzdignuće ljubavi. Nadasve, uzdignuće čovjeka na prijateljski odnos sa Bogom! Neka Vam predstojeći uskrsni blagdani unesu mir u duše, sreću i optimizam te odgovornost prema sebi i društvu u kojem živite, djelujete i služite!
SRETAN I BLAGOSLOVLJEN USKRS!



Zapovjednik Brigade taktičke potpore, brigadir mr. Esad Šejtanić uputio je čestitku povodom obilježavanja 19. obljetnice ustrojavanja HVO-a i 6. obljetnice 1. pješačke (gardijske) pukovnije OS BiH

Komandant Brigade taktičke podrške, brigadir mr. Esad Šejtanić uputio je čestitku povodom obilježavanja 19. godišnjice formiranja ARBiH i 6. godišnjice 2. pješadijskog (rendžerskog) puka OS BiH



Обиљежен православни Васкрс у Бригади тактичке подршке

У поводу обиљежавања православног Васкрса, у касарни „Рајловац ОС БиХ“ у Сарајеву, 28.04.2011. године организован је пријем којем су присуствовали припадници Оружаних снага БиХ стационирани на овој локацији.



Припадницима Оружаних снага БиХ који су присуствовали овом пријему поруку поводом православног Васкрса упутили су командант Бригаде тактичке подршке бригадир мр. Есад Шejтанић,

бригадир Душан Гаврић те на крају јереј Милорад Милинковић бригадни свештеник у брТП.

Обиљежавање Васкрса у Бригади тактичке подршке, као и на локацији касарне „Рајловац ОС БиХ“, је већ постало традиционално гдје поред припадника православне вјероисповјести овај празник увеличавају својим присуством и припадници других вјероисповјести.

Sportsko takmičenje u odbojci na nivou OS BiH u organizaciji Brigade taktičke podrške

U periodu od 26.04. do 29.04.2011. godine na vojnoj lokaciji kasarne „Rajlovac OS BiH“, a u organizaciji Brigade taktičke podrške, održano je sportsko takmičenje na nivou Oružanih snaga Bosne i Hercegovine u odbojci.



Na ovom takmičenju učešće je uzelo sedam ekipa u muškoj konkurenciji i četiri ekipe u ženskoj konkurenciji sa ukupno 133 takmičara.

U muškoj konkurenciji prvo mjesto je zauzela ekipa 6. pbr, drugoplasirana je bila ekipa 4. pbr. a treće mjesto je zauzela ekipa domaćina Brigada taktičke podrške.

U ženskoj konkurenciji prvoplasirana je bila ekipa 4. pbr., drugoplasirana ekipa Brigade taktičke podrške a treće mjesto je pripalo ekipi 6. pbr. Najboljim ekipama uručene su diplome za ostvarene rezultate.

PREDAVANJA U ORGANIZACIJI UREDA VOJNOG MUFTIJSTVA

PREDAVANJE DR. ALMIRA FATIĆA

Ured vojnog muftijstva nastavio je sa realizacijom predavanja namjenjenih pripadnicima OS BiH u 2011. godini. Održano je drugo predavanje u kasarni „Rajlovac OS BiH“ koje je održao dr. Almir Fatić, profesor na Fakultetu islamskih nauka u Sarajevu, na temu „Kur'an kao mu'džiza“. Pored pripadnika jedinica stacioniranih na ovoj lokaciji, predavanju su prisustvovali i pripadnici OK OS BiH.



PREDAVANJE POVODOM DANA DŽAMIJA

Dana 28.04.2011. godine na vojnoj lokaciji „Rajlovac OS BiH“ održano je predavanje, u organizaciji Ureda vojnog muftijstva, povodom Dana džamija. Predavanje su održali štabni imam Salih ef. Grabus, Predsjednik Medžlisa IZ Banja Luka Kasim Mujičić i prof.dr. Muhamed Hamidović. Ovom predavanju su prisustvovali pripadnici OS BiH sa lokacije „Rajlovac OS BiH“.



AKTIVNOSTI VOJNOG ORDINARIJATA U BOSNI I HERCEGOVINI

IMENOVANJE PRVOG VOJNOG ORDINARIJA U BOSNI I HERCEGOVINI

Bosna i Hercegovina je 2. travnja dobila svog šestog biskupa, a prvog Vojnog ordinarija u Bosni i Hercegovini – mons. dr. Tomu Vukšića. Ovim činom ređenja, prema Zakonu kanonskog prava Crkve, dosadašnji Ured katoličkog dušebrižništva postao je Vojni ordinarijat sa Vojnim ordinarijem na čelu, koji će duhovno skrbiti za vjernike-katolike pripadnike OS BiH i MO BiH.

MISA POSVETE ULJA I OBNOVE SVEČENIČKIH OBEĆANJA

20. travnja u Sarajevskoj katedrali, slavljena je Misa posvete ulja i obnove svećeničkih obećanja koju je predvodio Vinko kardinal Puljić uz sudjelovanje velikog broja svećenika, kao i članova Vojnog ordinarijata sa Vojnim ordinarijem na čelu. Nakon misnog slavlja, vojni kapelani ponijeli su blagoslovljena ulja i pohranili u kapele u kojima se služe vjerski obredi. Blagoslovljena ulja se koriste u određenim prigodama sakramentalnog vjerničkog života (krštenja, potvrda, rođenje, bolesničko pomazanje).

SEMINAR ZA PRVE PODOFICIRE BRIGADE TAKTIČKE PODRŠKE

Na vojnoj lokaciji kasarne „Rajlovac OS BiH“ 05.04.2011. godine održan je jednodnevni seminar za prve podoficire četa i samostalnih vodova iz sastava brTP. Organizator i nosilac aktivnosti ovog seminara bio je Glavni narednik brTP zastavnik I klase Emin Dervišević. Kroz seminar su obrađeni sadržaji koji se odnose na mjesto, ulogu, dužnosti i odgovornosti prvih podoficira. Tokom realizacije ovog seminara razmjenjene su informacije i iskustva o problemima sa kojim se suočavaju prvi podoficiri u svom svakodnevnom radu. Kroz upoznavanje sa historijom i tradicijom prvih podoficira četa iz drugih armija napravljeno je poređenje sa praksom i stanjem u OS BiH te su na osnovu toga definisane oblasti koje treba poboljšati u vlastitoj praksi, a sve sa ciljem unaprjeđenja mjesta i uloge podoficira u brTP. Tokom seminara obrađena je i jedna vrlo značajna tema, koja po riječima glavnog narednika brTP treba postati sastavni dio obuke svih pripadnika brTP, a to je Jednakopravnost spolova u BiH i prevencija seksualnog uznemiravanja u službi. Seminar za prve podoficire četa imaće svoj kontinuitet i u narednom periodu. Prvi podoficiri će tako kroz timski rad, kroz nova znanja i vještine praktimirati oblasti rada sa ljudima, proces analize i rješavanja problema, te unaprjeđenja planiranja i izvođenja individualne obuke u uslovima u kojima žive i rade naše jedinice.



AKTIVNOSTI PRAVOSLAVNOG DUŠEBRIŽNIŠTVA

LITURGIJE PREĐEOSVEĆENIH DAROVA

У току Часног поста одржане су Литургије Пређеосвећених дарова, сваке сриједи и петка, у храмовима на територији града Сарајева.

LITURGIJA NA PRAZNIK BLAGOVJESTI

Дана 07.04. на празник Благовјести служена света литургија у храму св. Николаја у Рељеву.

Posjeta njemačkih generala kasarni „Rajlovac OS BiH“



Kasarnu „Rajlovac OS BiH“ 08.04.2011. godine obišli su general Von Wilcken šef Odjela za sigurnost i saradnju OSCE misije u Bosni i Hercegovini i penzionisani general njemačke vojske Oerdin. General Oerdin je bio na čelu njemačkog kontigenta SFOR - a koji je bio smješten na lokaciji Rajlovac. Posjetiteljima je u prostorijama Komande brTP upriličen informativni brifing o kasarni „Rajlovac OS BiH“ čiji je nosilac brTP sa komandantom brigadirom mr. Esadom Šejtanićem. Nakon kratkog informisanja o osnovnim karakteristikama ove vojne lokacije gosti su uz pratnju domaćina obišli i samu lokaciju te se podsjetili na dane kada su ovdje boravili u sastavu snaga SFOR-a.

Po realizaciji ove posjete Brigada taktičke podrške je od strane navedenih njemačkih generala, posredstvom Zajedničkog štaba OS BiH i Operativne komande OS BiH, dobila i Pismo zahvale za iskazanu saradnju, susretljivost i profesionalizam.

BATALJON VOJNE POLICIJE

Zajednička vojna vježba VP OS BiH sa OS SAD

Pripadnici Bataljona vojne policije brTP u sklopu namjenski formirane Jedinice vojne policije OS BiH završili su zajedničku vojnu vježbu sa pripadnicima OS SAD, OS Rumunije, OS Poljske, OS R Češke i OS SR Njemačke, s ciljem pomoći u pripremama 172. brigade OS SAD-a za odlazak u misiju.




Zajednička vojna vježba relizovala se u periodu od 17. marta do 11. aprila 2011. godine u bazi Hofesfeld i Granfenwoeh u SR Njemačkoj. Sastav Jedinice vojne policije OS BiH činilo je 94 pripadnika OS BiH od čega je 77 pripadnika bVP brTP i 17 pripadnika iz vodova vojne policije 4., 5. i 6. pbr, što je do sada brojčano najveća grupa pripadnika OS BiH koja je bila uključena u realizaciju međunarodne zajedničke vojne vježbe. Pripadnici vojne policije OS BiH su u navedenoj vježbi bili u ulozi Afganistanske Uniformisane Policije (APU). Naše desetine su bile raspoređene po policijskim stanicama distrikta.



Komandiri stanica bili su odgovorni za sigurnost i provođenje zakona u distriktima. Uspješno je izvršen veliki broj zadataka iz nadležnosti AUP kao i planiranje i realizacija tri zajedničke operacije sa brigadom ANA (Afganistanska nacionalna armija), ISAF i ABP (Afganistanska granična policija). Pripadnici vojne policije su sve postavljene zadatke izvršili u potpunosti za što su dobili najviše ocjene i pohvale od pripadnika OS SAD. Iskustvo stečeno na navedenoj vježbi koristeći pripadnicima vojne policije za vlastite pripreme za učesće u sličnim operacijama te generalno unaprijediti interoperabilnost naših jedinica sa jedinicama OS zemalja članica NATO saveza.

Aktivnosti Počasne jedinice i Vojnog orkestra OS BiH



U mjesecu aprilu 2011. godine Počasna jedinica OS BiH i Vojni orkestar, iz sastava bataljona vojne policije Brigade taktičke podrške, bili su angažovani na ceremonijama obilježavanja godišnjica 1. Pješačke (gardijske) pukovnije i 2. Pješačkog (rendžerskog) puka OS BiH tj godišnjica formiranja HVO-a i ARBiH.

Navedene jedinice su takođe bile angažovane i na ceremoniji završetka obuke novoprmljenih vojnika u COO Pazarić.

DEMINERSKI BATALJON

Posjeta Načelnika ZVP GK EUFOR-a



Načelnik Zajedničkih vojnih poslova GK EUFOR-a brigadir Klaus Janiseck obišao je dana 11.04.2011. godine deminersko radilište "Bugar Čerkezovac" u Bihacu a slijedećeg dana, 12.04.2011. godine, i poligon "Odlučna Barbara" u Glamoču. U toku posjete domaćini su mu bili pripadnici deminerskog bataljona koji su ga upoznali sa aktivnostima i postignutim rezultatima ove

jedinice na deminiranju ovog deminerskog radilišta kao i rezultate i učinkovitost čete za NUS deminerskog bataljona prilikom realizacije uništenja nestabilne municije na poligonu „Odlučna Barabara“

Završetak deminiranja buduće trase auto puta na koridoru Vc

Na deminerskom radilištu Makljenovac 21 opština Doboj 26.04.2011 godine izvršena je primopredaja deminirane površine krajnjim korisnicima.



Završetak deminerskih aktivnosti na ovom deminerskom radilištu bio je 25.04.2011. godine čime su bile završene deminerske aktivnosti deminiranja na budućoj trasi autoputa na koridoru Vc.

U deminiranju ove značajne trase uključeni su bili svi deminerski timovi deminerskog bataljona **Brigade taktičke podrške**.

Primopredaji deminerskog radilišta Makljenovac 21 prisustvovali su predstavnici Oružanih snaga BiH, BH MAC-a i CZ Doboj.

Deminerske aktivnosti u izvođenju jedinica deminerskog bataljona Brigade taktičke podrške sa ciljem stvaranja uslova za izgradnju dijela autoputa na koridoru Vc bio je jedan od prioritarnih zadataka koji se vršio u periodu od aprila 2009. godine do aprila 2011. odnosno do završetka deminerskih aktivnosti na deminerskom radilištu Makljenovac 21.

Tokom deminiranja na području deminerskih radilišta u reonu Makljenovca deminirano je ukupno 489 811, 48 m2 zemljišta te je pronađena i uništena slijedeća količina mina i NUS-a:

- PP mine87 kom
- NUS55 kom

Aktivnosti deminiranja jedinica deminerskog bataljona Brigade taktičke podrške na deminerskim radilištima planirane dionice autoputa koridora Vc obavljale su se u opštinama Odžak i Doboj/Usora.

Ukupna zadana površina za deminiranje na koridoru Vc iznosila je 1 490 558, 48 m2 a izvršeno je deminiranje zemljišta u površini od 1 220 822,48 m2.

OKLOPNI BATALJON

DJECA VRTIĆA „ALADIN“ POSJETILA OKLOPNI BATALJON U TUZLI



Djeca iz JU dječiji vrtić „ALADIN“ iz Tuzle su 18.04.2010.godine posjetila lokaciju VB „Dubrave“, te su u sklopu ove posjete obišli Oklopni bataljon brTP. Ova posjeta bila je dijelom aktivnosti 5. pbr „Otvorena vrata“, a naši najmlađi gosti imali su priliku da izbliza vide tenkove i transportere te da posade pitaju o mnogim interesantnim detaljima. Lijepo je ispunjavati želje naših najsladkih, uživati u dječijoj sreći i činiti im dan lijepim – po čemu će ostati upamćen i ovaj dan.

VOJNOOBAVJEŠTAJNI BATALJON

OBUKA U VOJNOOBAVJEŠTAJNOM BATALJONU

Tokom mjeseca aprila 2011. godine pripadnici vojnoobavještajnog bataljona pohađali su kurseve „GEO 2“ i „GEO 3“ koji su bili u organizaciji OK OS BiH i EUFOR-a sa ciljem osposobljavanja i pripreme pripadnika OS BiH za rad u geografskim sekcijama, korištenje GIS (Geographic Information System) programa, te čitanje i razmjenu standardnih digitalnih geografskih podataka.



„Osnovni GIS Kurs (GEO 2)“ realizovan je u periodu od 06.04. do 08.04.2011. godine na lokaciji kasarne „Rajlovac OS BiH“ u Sarajevu, u prostorijama VOb-a, dok je „Osnovni GIS Kurs (GEO 3)“ realizovan, u periodu od 11.04. do 15.04.2011. godine, dijelom na lokaciji „Butmir 2“ a dijelom na poligonu za obuku u Konjicu. Navedeni kursevi su izvedeni od strane instruktora EUFOR-a.

Pored navedenih kurseva u periodu od 11.04. do 14.04. 2011. godine u prostorijama VOb-a realizovan je i kurs „HUMINT u PSO“. Obuka iz ove oblasti od izuzetnog značaja za sve pripadnike OS BiH potencijalne učesnike u nekoj od operacija podrške miru.

BATALJON VEZE

FIZIČKO VJEŽBANJE U BATALJONU VEZE

Iako vremenski uslovi, i svakodnevne obaveze, diktiraju dinamiku izvođenja fizičkog



vježbanja u bataljonu veze, na Palama, rezultati koje pokazuju njihovi pripadnici nisu za potcjenjivanje. Na nedavno završenom sportskom takmičenju u odbojci, na nivou brTP, muška ekipa bataljona veze osvojila je 2. mjesto, dok je ženska ekipa predstavljala okosnicu odbojkaške ekipe brTP na sporstkom prvenstvu u odbojci na nivou OS BiH. Ozbiljnost sa kojom bataljon veze realizira sportske aktivnosti pokazuje i osvojeno 4. mjesto na prvenstvu brTP u streljaštvu od strane vojnika Minele Klempić. Pored mnogobrojnih aktivnosti i obaveza bataljona veze provjera fizičke spremnosti, koja je obaveza svakog pojedinca, se uspješno izvodi uz poštivanje maksimalnih mjera sigurnosti.

OBUKA U BATALJONU VEZE



Dana 29.04.2011. godine svečano je završen I ciklus II modula obuke sa MTT EUFOR-a u izvođenju predavača iz sastava

Oružanih snaga Republike Turske. Obuku i završni test uspješno je položilo 15 kandidata iz svih jedinica Oružanih snaga BiH.

Na ceremoniji dodjele sertifikata prisutni su bili brigadir Akif Adak i pukovnik Redžep Ardić ispred OS Republike Turske dok su ispred bataljona veze, kao domaćina, navedenoj ceremoniji prisustvovali komandant major Željko Bradić i izvršni oficir major Salihagić Sulejman.

ИНЖИЊЕРИЈСКИ БАТАЉОН

Обука припадника инжињеријског батаљона од стране МТТ ЕУФОР-а

У петак, 29.04.2011.год., је завршена обука коју су изводили припадници аустријског континента из ЕУФОР-а у инжињеријском батаљону. Наведену обуку која је трајала 3 седмице и која је носила назив „Вођење у мисијама помоћи становништву приликом катастрофа“ (МОДУЛ 5) је завршило 15 припадника инжињеријског батаљона. На завршној церемонији су подијељени сертификати полазницима курса чиме су исти стекли могућност извођења исте такве обуке у ОС БиХ. Посебно су истакнута двојица старјешина за залагање током обуке а то су пор. Вуковић Александар и вод. Дедић Сенад.

У току је још једна обука а коју изводе припадници словеначког континента из ЕУФОР-а у инжињеријском батаљону. Обука носи назив „Командна и формална специјалистичка обука вођења – инжињераца подофицира“ (МОДУЛ 4), а отпочела је такође 11.04.2011.год. и завршава 04.05.2011.год.

Уређење православне цркве у касарни „Војвода Степа Степановић“ Бијељина

У периоду од 04.04. до 07.04.2011. године била су ангажована инжињеријска средства из састава инжињеријског батаљона на довршавању радова везаних за санацију и адаптацију православне цркве „Светог великомученика кнеза Лазара и свих светих мученика српских“ у простору касарне „Војвода Степа Степановић“ Бијељина. Приликом реализације ове активности било је ангажовано 7 в/л и 8 инжињеријских машина и м/в. Током реализације ових активности, у оквиру поменутих радова, извршено је:

- рушење олтара цркве,
- затрпавање убојних бунара,
- разбијање бетонских плоча,
- рушење стабала те
- одвоз шута и смећа.